

Hronologija evropskih integracija

Kao izraz sve veće želje za evropskim ujedinjenjem, nakon Drugoga svjetskog rata stvaraju se prve organizacije i pokreti koji promiču ideje evropskog jedinstva...

17. mart 1948.

Potpisan je Bruxelski pakt između Velike Britanije, Francuske i zemalja Beneluksa s ciljem zajedničke obrane, a koji je poslije preimenovan u Zapadnoevropsku uniju

7.-10. maj 1948.

U den Haagu je održan Evropski kongres ([Congress of Europe](#)) koji je trebao povezati razne evropske pokrete i stvoriti evropsku uniju ili federaciju. Na Kongresu je odlučeno da se stvori [Evropski pokret](#), nezavisna udruga koja i danas koordinira rad organizacija koje promiču evropsko ujedinjenje, a nakon toga nastali su i Vijeće Evrope, Evropska platna unija, Evropska zaklada za kulturu u Amsterdamu i College of Europe u Bruggesu.

5. maj 1949.

Potpisan je statut Vijeća Evrope ([Council of Europe](#)), organizacije koja treba biti nositelj evropskog povezivanja u kulturi, znanosti, zaštiti ljudskih prava, demokraciji, pravu i upravi, te usmjeravati evropske zemlje u više razine povezivanja. Vijeće Evrope usvojilo je Konvenciju o temeljnim pravima i slobodama čovjeka, osnovalo je Komisiju i Sud za ljudska prava, usvojilo sporazum o socijalnom osiguranju - Evropsku socijalnu povelju, Evropsku kulturnu konvenciju, Konvenciju o priznavanju diploma i patentnih prava.

9. maj 1950.

Francuska objavljuje tzv. "[Schumanov plan](#)", projekt stvaranja nadnacionalnog organa koji bi ujedinio industriju ugljena i čelika dva najveća evropska proizvođača, Njemačke i Francuske, u Evropsku zajednicu za ugljen i čelik te onemogućio svaki budući rat između tih zemalja. Autor tog plana bio je Jean Monnet, francuski ekonomist, no plan je ime dobio po Robertu Schumanu, francuskom ministru vanjskih poslova, zbog njegovih zasluga u pregovorima i provedbi plana.

18. april 1951.

U Parizu je potpisan Ugovor o osnivanju Evropske zajednice za ugljen i čelik ([European Coal and Steel Community - ECSC](#)) čime je stvorena prva Evropska zajednica. Uz Njemačku i Francusku ugovor su potpisale Italija, Belgija, Luksemburg i Nizozemska. Ugovor stupa na snagu 25. srpnja 1952. kao prva evropska organizacija nadnacionalnog značaja.

1. - 2. juni 1955.

U Messini, na sastanku ministara vanjskih poslova Evropske zajednice za ugljen i čelik, predlaže se ekonomsko povezivanje zemalja članica te zajednice.

25. mart 1957.

U Rimu se potpisuju ugovori o osnivanju Evropske ekonomske zajednice ([European Economic Community - EEC](#)) i Evropske atomske zajednice (EURATOM), koji stupaju na snagu 1. siječnja 1958. godine. Objе zajednice po uzoru na ECSC dobivaju Vijeće ministara i Komisiju, a za sve tri zajednice osnovana je Skupština (od 1969. Evropski parlament) i Sud evropskih zajednica.

4. januar 1960.

U Stockholmu je, na inicijativu Velike Britanije, potpisan ugovor o osnivanju Evropskoga udruženja slobodne trgovine ([European Free Trade Association - EFTA](#)). Današnje su članice EFTA-e Island, Lihtenštajn, Norveška i Švicarska.

30. juli 1962.

Uvedena je zajednička poljoprivredna politika (Common Agricultural Policy - CAP), prva zajednička politika EEZ-a.

1. juli 1967.

Izvršna tijela triju zajednica spojena su u zajedničku Komisiju i Vijeće ministara kroz Ugovor o spajanju (eng. *Merger Treaty*).

1. juli 1968.

Uspostavljena je carinska unija zemalja EEZ-a.

1. januar 1973.

Danska, Irska i Velika Britanija postaju članicama EZ-a.

5. decembar 1978.

Uspostavljen je Evropski monetarni sustav (European Monetary System) s ciljem uspostavljanja sistema fiksnih valutnih pariteta, dugoročne monetarne stabilnosti i mobilnosti kapitala baziranih na ECU (European Currency Unit).

1. januar 1981.

Grčka postaje članicom Evropske zajednice.

1. januar 1986.

Španija i Portugal postaju članicama Evropske zajednice.

17. - 18. februar 1986.

U Bruxellesu potpisan Jedinštveni evropski akt ([Single European Act](#)) s ciljem stvaranja Evropske unije kao nadnacionalne političke i ekonomske integracije, koji stupa na snagu 1. juli 1987. godine. Njime se redefiniiraju Rimski ugovori i potiče politička suradnja s ciljem stvaranja zajedničke vanjske politike. Radi lakšeg odlučivanja napušta se praksa jednoglasnog odlučivanja i uvodi se većinsko glasovanje. Glavni ekonomski cilj jest stvaranje jedinstvenoga tržišta.

9. novembar 1989.

Srušen je Berlinski zid, a 3. listopada 1990. Njemačka se ujedinjuje.

19. juni 1990.

Potpisan je Sporazum iz Schengena.

7. februar 1992.

U Maastrichtu je potpisan Ugovor o Evropskoj uniji ([Treaty on European Union](#)), koji stupa snagu 1. studenoga 1993. godine. Ugovor donosi novine u sljedećim područjima: razvoj ekonomske i monetarne unije, jačanje institucionalne strukture Unije i demokratizacija Evropske zajednice te definiranje zajedničke vanjske i sigurnosne politike.

2. maj 1992.

U Portu je potpisan sporazum o stvaranju Evropskog ekonomskog prostora ([European Economic Area - EEA](#)), kojim su ujedinjena tržišta EZ-a i EFTA-e. S 380 milijuna ljudi u 19 zemalja ono postaje najvećim jedinstvenim tržištem na svijetu. Na njemu vrijede propisi koji su na snazi u EZ.

1. januar 1995.

Austrija, Finska i Švedska postaju članicama EU.

2. oktobar 1997.

Potpisan je Ugovor iz Amsterdama.

1. januar 1999.

Uvodi se euro. Banke i poduzeća prelaze na poslovanje eurom.

26. februar 2001.

Potpisan je Ugovor iz Nice ([Treaty of Nice](#)).